



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

Widmung

urn:nbn:de:hbz:466:1-14818

ILLUSTRISSIMUM VIRUM
CAROLUM FERRARIUM TOTIUM
SENATOREM ROTHOMAGENSEM.

VIDE quam sim parum diligens observator ejus artis, cujus arcana hic detego; quamque male existimationi meae consulam, qui orationem aurium suffragio non plane improbatam, oculorum quoque judicio subjicere non verear. Cum nihil aequae valeret, ad hanc de me celeberrimi confessus opinionem tuendam, quam latebrae prudensque silentium. Sed sane intelligis non licuisse consilio ac ratione tam callida uti, si me ab eorum contra quos dixissem, societate vellem sejungere. Itaque malui famae qualiscumque possessionem deserere, quam videri eam injuste consecutus. Non igitur te nunc patronum, quod amicitiae nostrae fortassis non negares, si peterem; sed judicem volo, qualem te ubique praestas in ferenda sententia, incorruptum. Quamquam vereor, ut suspiciosus hominibus persuadere possim, in tam aperta tamque simplici professione nihil latere artis. Qui enim famam ingenii ac doctrinae excellentem jure possides; non potes ejus insidiatoribus non adversari plurimum; quaeque adversus illos dixi non probare vehementer: porro necesse est ut quod probaveris, dignum commendatione videatur. Sed suspicientur illi de me, ut voluerint: modo intelligant, in fraudem induci te non posse. Ego quidem scio me laudem à te non optasse consequi: at certe, quin illam promereri studuerim, nunquam diffitebor. Vale. Rothomagi VIII. Id. Decemb. Anno M. DC. LXII.